



Klein Lochieland

Nuusbrief Graad R en RR

Lourensrivierweg / Posbus 124

STRAND

Tel: 021-8548592

E-pos:

adminkleinlochieland@lochnerhof.co.za

www.kleinlochieland.co.za

2024-02-16

Liewe Ouers

TROTS AFRIKAANS

Ons wil graag by Klein Lochieland suiwer Afrikaans aanmoedig. Moedertaalonderrig tot op die ouderdom van 6 jaar oud is baie belangrik vir 'n kind se taalontwikkeling. Daar is hierdie afgelope paar jare die meeste gevalle van taalverwarring en swak spraak wat ons nog ooit gehad het. Een van die duidelike tekens van taalverwarring is wanneer jy 'n kind iets in Afrikaans vra, maar hy antwoord in Engels.

Hier is 'n paar wenke wat alle ouers kan volg om taalverwarring te voorkom:

- Kinders word baie blootgestel aan Engelse TV-programme. As u kind reeds verwarring toon en baie Engelse woorde gebruik, stel ons voor dat u die klank van die televisiestel afsit dat die kleuter net na die beeld kyk. LET WEL: Hoe meer 'n kleuter aan 'n sekere taal blootgestel word, hoe vinniger leer hy/sy dit aan!
- Indien u kleuter 'n tablet het, probeer om Afrikaanse programmatuur op te laai.
- Lees ELKE aand 'n Afrikaanse storie aan u kind om woordeskat aan te vul. Verduidelik moeilike woorde wat hul nie verstaan nie. Hierdie is 'n baie belangrike aspek van u kind se aanleer van enige taal. Daar is enkele kinders wie se woordeskat op standaard is vir hul ouderdom.
- Wanneer u kleuter herhaaldelik 'n Engelse woord gebruik, korregeer hom of haar elke keer totdat hy of sy die regte woord baasraak.
- Indien u kleuter in Engels antwoord, maak asof u nie verstaan nie en vra dat hy/sy u in Afrikaans antwoord.
- Kleure en vorms moet in Afrikaans beantwoord word; dit help nie hulle antwoord in Engels nie. Ons assesserings vind in Afrikaans plaas.
- Stel hom of haar bloot aan Afrikaanse maatjies.
- Speel Afrikaanse kinderliedjies in die motor en laat hulle saamsing.
- Terwyl u in die motor ry, gesels met u kind, bv. wys padtekens uit en verduidelik wat hulle beteken, bespreek die verskillende bome, waarom hulle blare verloor, ens.
- Kinders wat baie vrae vra en baie nuuskierig is, is 'n normale, intelligente kind wat in sy omgewing belangstel. Beantwoord sy/haar vrae, al dink jy as ouer hy/sy gaan dit nie verstaan nie. Kleuters op hierdie ouderdom is soos sponsies en neem baie inligting in as dit aan hulle verskaf word. Moet hulle nie onderskat nie.
- As u kleuter 'n groot belangstelling toon in sekere dinge, bv. dinosourusse of planete, moedig dit aan met speelgoed, boeke, "youtube" video's, ens. Laat hulle die name leer. As hulle inligting in Engels kry, verduidelik dit vir hulle in Afrikaans.

Ons keur die aanleer van 'n tweede taal goed, maar dan moet die moedertaal eers sterk vasgelê wees. Kom ons kyk of ons ons kleuters trots Afrikaans kan maak. Hulle is tog in 'n Afrikaanse skool en ons is trots op ons taal!

KLAS- EN INDIVIDUELE FOTO'S

FOTODAG vir die graad RR-kleuters is **Donderdag 22 Februarie** en vir die graad R-kleuters **Vrydag 23 Februarie**. **Trek asb die Klein Lochieland skoolhempie aan**. Koeverte met 'n voorbeeld sal eersdaags beskikbaar wees. Die volgende fotopakette gaan beskikbaar wees:

PAKKET A: R135-00

- 1 X A4
- 1 X 13/18cm
- 2 Jumbo's
- 4 ID-foto's

PAKKET B: R230-00

- 1 X A5
- 1 X 13/18cm
- 3 Jumbo's
- "pendant" sleutelring

KLASFOTO: R45-00

- A5

GHOLFDAG: 8 MAART 2024

Ons het nog plek oop vir spelers wat vierballe wil inskryf. Klein Lochieland is baie gelukkig en bevoorreg om elke jaar goeie ondersteuning te hê.

As u nie gholf speel nie en u is in die besigheidswêreld, kan u dalk vir ons pryse organiseer. Ons benodig twee pryse van dieselfde soort, want die spelers speel in pare. Aangesien ons veld elke jaar vol is met spelers, is hierdie 'n groot uitdaging sodat daar genoeg pryse is om uit te gee. Pryse kan absoluut enigiets wees, solank daar net twee van een soort is, bv. kampstoele, koelsakke, gholfhemde en -keppies, potte, glase, penstelle, geskenkbewyse, ens. Kontant skenkings sal ook baie waardeer word, want dit word gebruik om pryse aan te koop. Elke bietjie help!

Ons benodig ook nog putjie borge. Teen slegs R1 000 kan besighede 'n putjie borg, waarop u dan advertensiemateriaal mag uitstal. Daar gaan ongeveer 144 spelers deelneem, dus is die blootstelling van u besigheid groot! Kontak gerus vir Juffrou Chantelle by croelofse@lochnerhof.co.za vir meer inligting.

Ondersteun ons asb!

TOELATINGS 2025

Aansoek om toelating vir gr. RR vir 2025 is oop. Vorms is by die skool beskikbaar. Slegs aansoeke met die vereiste dokumentasie sal ingeneem word.

Huidige graad RR-kleuters se aanlyn-aansoeke vir gr. R open op 1 Augustus 2024.

GRAAD R-INLIGTING:

VERPLIGTE OOGTOETSE: 28 FEBRUARIE of 6 MAART

Stuur asb. die geld en voltooide briefies skool toe.

UITSTAPPIE: 5 of 7 MAART

5 Maart: *Eendjie- en Beertjieklass*

7 Maart: *Vissie- en Hasieklass*

Kostes: R70

Ons maak van ouervervoer gebruik.

Meer inligting volg in 'n volgende nuusbrief..

Ons tema vir volgende week is:

Ons persepsies is:

TROETELDIERE

Kleur: **Groen**

Vorm: **Vierkant**

Getal: **2 en tweede**

Klank: **g-klankie**

Assesserings:

Ouderdom

Verjaarsdagmaand

Vorm: Vierkant

Volg aanwysings: Vorentoe en agtertoe

Maandag

19 Februarie:

Bring "g-klankie" prente, asb

Dinsdag

20 Februarie:

Ons leer hoe om ons troeteldiere te versorg

Woensdag

21 Februarie:

Kleuters trek iets **groen** aan, asb.

Donderdag 22 Februarie: Pak asb. **vierkantbroodjies** vir u kind in
Vrydag 23 Februarie: **GRAAD R-FOTODAG: Onthou om skoolhempies aan te trek, asb.**

GRAAD RR-INLIGTING:

INSTAPPIE: VRYDAG 23 FEBRUARIE

Om aan te sluit by ons tema van die week volgende week, besoek Dash Kids ons om ons kleuters meer van emosies te kom leer.

Plaas R40-00 in 'n toegeplakte koevert met u kleuter se naam en Dash Kids voor-op en stuur asb op die laatste Woensdag 21 Februarie skool toe.

Ons tema vir volgende week is: **EMOSIES**
Ons persepsies is: Kleur: **Geel**
Vorm: **Driehoek**
Getal: **2**
Klank: **e-klankie**

Maandag 19 Februarie: Ons maak 'n emoji-gesiggie
Dinsdag 20 Februarie: Ons teken gesiggies met verskillende emosies
Woensdag 21 Februarie: Kleuters trek iets **geel** aan, asb.
Laaste dag vir Instappie-geld, asb.
Donderdag 22 Februarie: **GRAAD RR-FOTODAG: Onthou om skoolhempies aan te trek, asb.**
Pak asb. **driehoekbroodjies** vir u kind in
Vrydag 23 Februarie: **INSTAPPIE: "Dash Kids- Emotions"**

Geniet u naweek!

Vriendelike groete
Klein Lochieland Personeel